



COMUNE DE PÀDRIA

DELIBERATZIONE DE SA GIUNTA COMUNALE N. 49 DE SU 21/09/2020

OGETU: ADESIONE A SU PROTOCOLLU DE INTESA PRO SA COSTITUZIONE DE SA “RETE SARDA DE SAS DOMUS DE JANAS DECORADAS”.

S’annu duamìgia e binti sa die bintiunu de su mese de Cabudanni a sas oras 13:00, in S’UFÌTZIU DE SU SÌNDIGU, fatu chi siat esaurimentu de sas formalidades prescritas dae sa lege de s’Istadu e de s’Istatutu, s’est reunida sa Giunta Comunale suta sa presidèntzia de su VITZE SÌNDIGU MARICA MATTEO SALVATORE.

A s’apellu nominale resurtat

<u>CÀRRIGA</u>	<u>SAMBENADU E NÙMENE</u>	<u>PRESENTE</u>
SÌNDIGU	DOT. MURA ALESSANDRO
ASSESSORE	MARICA MATTEO SALVATORE	EMMO
ASSESSORE	ETTORI GIUSEPPA ANGELA	EMMO

Presentes n. 2 Ausentes n. 1

Partètzipat su SEGRETÀRIU COMUNALE DOT. PULEDDA ANTONINO, chi providit a sa redatzione de su verbale presente.

Essende legale su nùmeru de sos interbènnidos, su VITZE SÌNDIGU MARICA MATTEO SALVATORE, in sa calidade sua de Presidente, leat sa presidèntzia e decrarat aberta sa setziada pro sa tratatzione de s’ogetu marcadu subra.

SA GIUNTA COMUNALE

PREMÌTIDU chi in su territòriu de su Comune de Pàdria sunt presentes n. 3 Domus de Janas decoradas;

RECONNÒSCHIDU chi sas *Domus de Janas* costituint una parte importante e significativa de su patrimoniu culturale de sa Regione Sardigna non solu pro sa valèntzia istòricu archològica ma puru pro ite, essende ispartas in sa majore parte de su territòriu regionale, costituint parte integrante de sos caràteres identitàrios suos;

RAPRESENTADU in particolare chi a sas *Domus de Janas* pintadas e/o decoradas, pro sa calidade e su balore de sas òperas de arte chi cuntenint, est atribuidu unu balore e unu significadu artu meda in s' àmbitu de su bacinu de su Mediterràneu;

TENTU PRESENTE chi, mancari sa connoschèntzia de sas *Domus de Janas* siat crèschida meda in sos ùrtimos detzènnios suta de su profilu iscientificu e culturale, issas non sunt galu connòschidas dae su pùblicu mannu e sa valorizatzione issoro est galu limitata a una cantas realidades;

ATESU chi sos Comunes chi ant in su territòriu issoro *Domus de Janas* decoradas intendent afortiare sas relatziones pari-pari pro aumentare s'atratividade de sos patrimonios respetivos, promovende una visibilidade e atzessibilidade prus manna, in sa cumbintzione chi sa tutela e sa valorizatzione de sas etzellèntzias pròpias e, in su casu particolare, de cussas archeològicas – preistòricas, non podet non cunsiderare su contributu e su coordinamentu eficatze intre sos entes interessados;

AVERIGUADU chi su coordinamentu de sos Comunes si podet cunsighire in sa forma de sa costituzione de una Rete de sos Territòrios, in coerèntzia cun cantu prevididu dae s'art. 111, comma 1, de su decretu legislativu n. 42 de su 22/01/2004 e mm.ii.ii., (Còdighe de sos benes culturales e de su paesàgiu), su cale istabilit gasi: “Sas atividades de valorizatzione de sos benes culturales consistint in sa costituzione e organizatzione istàbile de resursas, istruturas o retes, ossiàt in su pònneru a disposistzione sas cumpetèntzias tècnicas o resursas finantziàrias o istrumentales, finalizadas a s'esertiziu de sas funtziones e a su persighimentu de sas finalidades indicadas in s'art. 6”;

EVIDENTZIADU chi sas políticas de valorizatzione culturale e sotziale de sos benes culturales e de su patrimoniu istòricu e archeològicu costituint parte integrante de sas políticas de isvilupu locale chi sos Comunes intendent promòvere in sos territòrios issoro;

CUNSIDERADU chi:

- in sas riuniones preliminares organizadas dae sos sugetos promotores de s'iniziativa, sa Regione Autònoma Sardigna, su Ministèriu de sos Benes Culturales e pro issu, su Segretariadu regionale, sos Comunes e su Tzentru Istùdios “Identidade e Memòria” (CeSim) APS, ant manifestadu s'intenzione de dare su sustennu pròpiu pro fàghere una Rete Sarda de sos Comunes chi istràngiant in su territòriu pròpiu *Domus de Janas* decoradas; custu pro lòmperu a unu coordinamentu e potentziamentu de sa connoschèntzia e de sos servìtzios cunnessos a sa valorizatzione culturale e turistica e sos sites s'ingulos;

- su compartimentu e sutascritzione de su “protocollu de intesa”, s’ischema suo est allegadu a sa deliberatzione presente, diat a cunsentire intre sos obietivos prioritarios de atuare totu sas atziones netzessarias pro sustènnere sa candidatura a sa “*World Heritage List*” de s’UNESCO de sas *Domus de Janas* decoradas;
- custu protocollu apostivigat s’impignu de sos Entes firmatarios a cooperare e armonizare pro cust’iscopu sas atziones pròpias in su territòriu;

DADU ATU chi pro sas resones esprimidias in narrativa resurtat ùtile chi puru su Comune de Pàdria cumpartzat s’ispiritu de su Protocolu de Intesa torradu a cramare, in una lògica de rete e de cooperatzione semper prus atuale cun àteros comunes sardos e puru in cunsideratzione de su fatu chi su segmentu de su turismu culturale e archeològicu, in crèschida siat a livellu internatzionale che nazionale, rapresentat una oportunidade manna pro sa crèschida sòtzieconòmica territoriale;

TORRADU A MARCARE chi s’aplicatzione de su Protocolu in paràula at a permìtere in prus de definire políticas e mesuras de valorizatzione de s’oferta turistica integrata e at a pòdere cunsentire a livellu regionale de intertettare in su mercadu turisticu sa dimanda creschente de setore in modu significativu;

APREZZIADU pro cussu de dèvere providire in mèritu, autorizende su Sìndigu a sa sutascritzione de su “Protocolu de Intesa” torradu a cramare;

RECONNÒSCHIDA sa cumpetèntzia pròpia sende gasi sas cosas de sas dispositziones normative, istatutarias e regulamentares in vigèntzia;

INTESA sa relata incaritiva a incuru de su Sìndigu, agiudadu dae su Segretàriu comunale;

ACHISIDU, subra de sa proposta de deliberatzione, su parre tècnicu favorèvole de su Responsàbile de s’Àrea Contàbile-Sotziale, in cunforma a s’art. 49, comma 1, de su D.Lgs. n. 267/2000 e mm.ii.ii.;

ATESTADU chi s’atu presente non bisòngiat de su parre de regularidade contàbile in cantu privu de riflessos deretos o inderetos subra de sa situatzione econòmicu-finanziaria o subra de su patrimoniu de s’ente;

RIFERIDU chi subra de sa proposta de deliberatzione n. 574 de su 14/09/2020 est istadu proadu, cun èsitu favorèvole su controllu in su matessi tempus de regularidade amministrativa a incuru de su Segretàriu comunale, a s’èsitu de su coordinamentu testuale cuncordadu cun sos Responsàbiles de sos Servìtzios interessados;

RECONNÒSCHIDA s’oportunidade, in sintonia cun sa proposta tècnica avanzada dae sos ufìtzios, de protzèdere a s’aprovatzione de sa deliberatzione presente pro sas finalidades in ogetu;

ACRARADU chi sa setziada presente de sa Giunta Comunale s’est acumprida in modalidade telematica a manera parziale, in cunforma a s’art. 73 de su D.L. 18/2000 e mm.ii.ii. e puru de su decretu de su sìndigu n. 2 de su 23.03.2020

DADU ATU chi totu sos partetzipantes a sa setziada:

- ant àpidu visione e disponibilidade preventiva de sa proposta de deliberatzione chi pertocat s'ogetu;
- ant àpidu s'opportunità de partetzipare a sos traballos de sa Giunta Comunale de oe in presèntzia (Dettori) o in modalidade telemàtica (Marica) siat in relazione a sa dibata chi in òrdine a sa votatzione, cun su controllu costante de su Segretàriu comunale;

cun votos favorèvoles de acordu in su matessi tempus, esprimidos a manera legale, in cunforma a cantu subra indicadu (Dettori in presèntzia); (Marica in modalidade telemàtica)

DELÌBERAT

DE FÀGHERE PRÒPIAS sas premissas narrative e motivatzionale a su dispositivu presente apretziende las inoghe torradas a cramare e trascritas a manera integrale;

DE APROVARE, pro s'efetu, s'ischema de su Protocolu de Intesa pro sa costituzione de sa "Rete de sas Domus de Janas decoradas" allegadu sub A) a sa deliberatzione presente pro nde costituire parte integrante e sustanziale e de autorizare su Sìndigu a sa sutascrittione sua.

DE DECLARARE in fines cun imbeniente, in su matessi tempus e che pare votatzione de acordu (Dettori in presèntzia, Marica in modalidade telemàtica) esecutabile a manera immediata in cunforma a s'art. 134, comma 4, D.Lgs. n. 267/2000, pro s'urgèntzia de assicurare su perfetzionamentu de sas finalidades suas.

PARRE DE REGULARIDADE TÈCNICA

In cunforma a s'art. 49 c. 1 de su T.U.E.L. su Dirigente/P.O. **ARCA MARIANGELA** in data **18/09/2020** at esprimidu parre **FAVORÈVOLE**

SU VITZE SÌNDIGU

SU SEGRETÀRIU COMUNALE

MARICA MATTEO SALVATORE

DOT. PULEDDA ANTONINO

NOTA DE PUBLICATZIONE N. 710

In cunforma a s'art. 124 de su T.U. 267/2000 su responsabile de sa Publicatzione **SEGRETÀRIU COMUNALE DOT. PULEDDA ANTONINO** atestat chi in data 28/09/2020 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispositziones de lege in vigèntzia.

Traduttione de s'operadora de s'isportellu linguisticu de Pàdria
Maria Leonarda Correddu